

SPERNO JEARE

N 6-15

DISCOVRS

MERVEILLEVX ET

MEMORABLE, D'VNE ISLE qui apparut nageante en la mer Mediterranee, au mois de Decembre dernier.

Ensemble la docte & subtille explication d'vne Prophetie de Nostradamus sur le mesme subject.

Enuoyee de Candie à Marseille à vn des plus notables Citoyens d'icelle ville.



Par Fievry Bovrridvan Tau mont saince Hilaire, pres le puits Certain, aux Fleurs Royalles.

> 1606. Auec Permission:

2 M V O T 2 3 C

MERNELLE LEVEL STE Veneral Level Steel Steel Level Level Steel Steel Level Steel Steel

Section of the property of the section of the secti

e-Board Hi-beld & other of Burning



Delagram mare a promote a state of the state



DISCOVRS

MERVEILLEVX ET MEMORABLE D'YNE ISLE QVI APPA-

rut nageante en la mer Mediterranee, au mou de Decembre dernier.



EST escriuain si antique Berose de Caldee, nous racote parmi ses escrits si venerables, qu'en sa ieunesse il auoit frequenté certains hommes Egyptiens fort chargez d'an-

necs, qui luy auoient asseuré qu'en leurs ieunes ans, ils auoient veu deux Isse crrates en la mer Mediterrance. I'vne desquelles estoit celle qui anciennement se nommoit Melite & maintenant Malthe, & l'autre l'Isse de Delle, où Diane & Apollon, sils de Iupiter Roy, de Crete, & de Latonne Princesse de

A ij

Candie, nasquirent. La premiere auoit son mouvement & la course enclos en petit espace: car elle ne se retiroit iamais de la veue de Tritanie, qui à present est nommee Sicille : mais en fin elle fut arrestee en la sorte que l'on la voit auiourd'huy, & c'est au teps que suruint ceste grande ardeur & seicheresse d'Esté qui affligea vne grande partie de la terre, laquelle affliction on attribue à l'erreur de Phaeton Charton du Soleil. Mais la seconde alloit & venoit depuis les plages de Tripoly & d'Alexandrette iusques au Cap de Barcellonne & au destroict de Gibaltar. Et durant ceste nauigation si estrange & si longue, Latone estant embarquee dans vne petite faloupe pour fuir l'ire & le courroux de Iunon femme de Iupiter, rencontra ceste Isle de Delle au lieu où l'on la peut apperceuoir plantee à present, & s'y estant arrestee, elle s'y acoucha aussi tost des deux Iumcaux Apollon & Diane, dont l'Isle fut soudainement arrestee par quelque secrette vertu des astres, ou bie de la disposition elementaire.

l'ay voulu représenter la face de ces antiques merueilles, afin que vous puissiez croire plus aisémet aux merueilleux prodiges & eucnemens que lon a remarqué de5 .

puis peu de fours aux parties du Leuant.

C'estoit donc en l'Ille de Cipre vn leudy 22. de Decembre de l'année derniere mil six cens & cinq, que sur les trois heures du matin, l'air estant fort clair & serain se redit en vn momer tout counert & sombreux de nuages: & austi tost vn tremblement de terre, le plus remuant & formidable que l'on aye iamais veu, suruint par toute l'Isle, qui de present est habitee esgalement de Turcs & de Chrestiens. Lors en vn accider si effroyable, les vns se fians à Mahomet & à la fausse intelligece du destin, enduroient auec desespoir de secours, vne rempeste furieuse & espouuerable: mais les Chresties qui sont nourris du laiet de la verité en la maison du sainet Esprit, récommandoient leur vie & leurs ames aux suffrages & merites des saincts, & à la misericorde de Dieu tout puissant. Ce tremblement si horrible ayant duré jusques à midy sujuant, auec l'abatement & ruinement de plusieurs Moss quees, maisons & autres edifices des Turcs, dont le desastre estoit accompagné de la perte de plus de dix mille personnes de ces infidelles, lans qu'aucun Chrestien y fut aucunement offense en ses biens. Le Ciel qui auoit esté iusques alors tenebreux, comme

file Soleit fust esté encore recellé en la mer Indique dix degrez loing de nostre hemisphere; les peuples qui habitent la partie Orientale de Cypre apperceurent qu'vne partie de ceste Isle se divisoit & se separoit du corps total, en se reculant & s'auançant dans la mer, comme poussee de quelques rames, elle se fit voir vne Isle toute nouuelle qui pouuoit auoir enuiron trois mille pas de circuit. Cela fut veu oculairement par plusieurs Cypriots, & de beaucoup d'estrangers qui estoiet arriuez auec leurs vaisseaux aux ports & haure de ceste Isle. Or entre autres dignes de croire, il y estoit Fraçois Sparentquelt Millort Anglois, & les Patrons Isaac Dermot, & Leuy Holmand de la mesme nation. Maurice Deruinquenqueher facteur & Capitaine d'vne Nauire de ceste riche negociante Marguerite Parrentbliuou Dame Holadoise, Guillaume Portraict grand voyageur & negociateur, & issu d'il-Justre origine d'Auignon, Laurenzo Bononio de Liuorne, Ferdinando Pesaro Banquier de Venise, Patron Sanson Arthau,& Hierosme Bernier de Marseille, & plusieurs autres personnes dignes de foy, que pour euiter prolixité ie ne nommeray point à grelent. But interes of the state of the

Ceste Isse nouvelle & nageante estant ainsi formée d'vne partie de l'Îsle de Cypre, & ayant au milieu de sa campagne vn Mosque que le tremblement auoit renuersé & ruiné rez terre auec les Mahometains Religieux qui y feruoient, suiuant leur loy superstitieuse: Voicy que du costé du Midy ont apperceules nuages s'ouurir, & de leur ouuerture respandre vne grande & viuelumiere, comme celle du Soleil, & qui se respădoit fur la terre de Cypre: & aussi tost que ceste nouvelle clairté sur ainsi apparue, on entendit vne haute voix qui proferoit netrement ces paroles parmy les nuages Paddiffach! Tetrarcha, Stambola giderunth! Midebar, Midebar , Midebar ! Nefath, Tuminin, Tuminin Nesath! Nesath Tuminin. Au son desquelles paroles pouffees de diuers accens, comme proferces de quelque esprit Angelique, tous les sussimmez, & le reste du peuple qui estoit auec eux demeurerent rauis de merueille, sas poudoir parler d'vne heure apres, rant l'estonnement leur occupoit la liberté & la pensee de l'ame. Aussi quelques Turcs qui estoient là presens en furent esfrayezextremement: & mesmement quelques-vas esperdus d'esprit, oyant parmy de paroles à cux inconues vne voix si prodigicuse nommenle nom dont la qualité de leur Empereur & leur principale ville est nommee.

Ges paroles proferees de la sorte en lieu si estrange, la petite Isle separce de Cypre printsa nauigation deuers Candie, & comme si elle fust allee à voiles comme vn Gallion, elle prenoit tantost vn bord & tantost vnautre, & en peu d'heure nageante ainsi elle arriua par grande hastiueté, non moins admirable que prompte, sur les bords de Candie entre les Isles de l'Archipelague, où elle fit cinq nauigations ou Courses tout au long de ses costes Septétrionales, & laissant à chasque venue vne grande partie de sa terre contre les riues de Candie. Mais quand ce vint sur le cinquiesme & dernier aller, le reste de l'Isle nageate se deuisa en deux parties, dont l'yne demeura & s'arresta du tout sur la terre de Candie aupres de la ville de Retinio, & l'autre se retirat auant en la mer entre la premiere Isle de l'Archipelague & des bords Candiens, apres auoir esclatté vn certain gemissement, comme pourroit faire le despecement d'vne grande forest que l'on romproit tout à coup, elle s'abisma dans la mer, & en cest engoulphement les vagues qui luy auoient fait place violentement s'esseuerent, & monterent en bruyans & escumans sur le riuage de Candie, comme sa quelque gros vent Grec eust tourmenté la coste, qui pour lors estant toute seraine & traquille, ne respiroit que le doux flair d'vn

zephir.

Ceste merueille estant ainsi auenuë, les personnages sus-nommez estans ioints à Candie auec leurs vaisseaux, pour suiure leur voyage en diuerses parties du Ponant; & arriuez de Conserue au port de Retinio, qui est vn des meilleurs de l'Isle, ils apprindrent quelle fin auoit eu la merueille de l'Isle nouuelle qu'ils auoient veu nageante à Cypre. Surquoy Patron Sanson Arthaud de Marseille en ayant fai& vn ample recit à quelques seigneurs Venitiens, & mesmes au gouverneur de ceste Isle de Candie, qui come Venitien & de genereuse extraction,& tres-courtois & discret, sut prié par iceux de leur discourir de ce qu'il luy sembloit d'vne telle auanture, & qu'il les obligeast de leur en dire ce que son bel esprit en pouuoit iuger, veu qu'ils sçauoient que parmy les plus signalez esprits de Prouence il estoit decoré de la congnoissance des plus rareș sçauoirs; & mesmes que par sa preudhommie & integrité de vie il auoit esté souvent honoré en sa ville de Marseille des charges

& offices de prodhome, de Subrestam, de Capitaine & de Consul. Ledit Arthaud estant donc requis de tels seigneurs, commença à discourir ainsi en leur presence & de celle des passagers nommez cy dessus.

Messieurs il me souvient d'avoir leu y a quelques mois vn quatrain des Propheties de Nostradamus dans les trois Centuries qui ont esté trouvees depuis peu de temps en sa maison, dans la muraille de son cabinet, lequel quatrain est ainsi,

Isle perduë à faute de secours, Tu te dinise, o paroles dinerses!

Diuerses sins, sleurs iaunes troupes perses,
Aigle, & Lyon, fruicts à vingt & vn cours.
Ce qu'il me semble auoir iustement prophetisé le subject de ceste nouvelle Isle nageante, que nous auons veu separer de l'Isle de Cypre par vn tremblement de terre: Car qu'elle ne soit esté perduë à vous Messieurs les Venitiens par faute de secours, vous en estes que trop certains & clarifiez, puis que ce valeureux Cheualier François de Martinengue y sit si valeureusement à la dessence de Famagouste que iamais ville assiegee ne sust mieux dessendue. Comme tres-disertement le docte & braue poème de la victoire Nauale imprimee à Paris en ceste presente

annee le raporte. Pour le second vers qui se commence, Tute divise, vous aués desia apris comme ceste Isle nageante s'est diuisee & a pris so corps de l'Isle de Cypre: Pour l'autre mot, O paroles diverses: Ce sont les termes en diuers langages que nous entendimes resonner en l'air parmy les nuages, dont le discours alloit ainsi Padissach, Tretrarcha, Stambola Giderunth! Midebar, Midebar, Midebar! Nesath, Tuminin! Tuminin Nesath, Nesath Tuminin. Or pour vous bien expliquer ce nouueau Oracle, ie vous diray qu'il est en trois langues: Sçauoir Turc, Grec; & Hebrieu: Padissach signisie Empereur, & c'est en langue Turquesque: Tetrarcha est Grec,& denotte le gouverneur d'vne Province: Stambola Giderunth est Turc, & vaut autant à dire, ie m'en vais en Constantinople: Midebar signie desert, & c'est vne parole Hebraïque: comme aussi les deux mots suivant, dont le premier monstre le nom de victoire,& l'autre de verité. Doncques toutes ces paroles accordees ensemble sonnent ainsi: Empereur, gouverneur de Province, ie m'en vois à Constantinople: desert, desert, desert! Victoire Verité, verité victoire, victoire verite.

Ainsi ie vous puis asseurer que ceste voix prodigieuse presage vn grand rabaissement

& ruinement de grandeur à l'Empereur des Othomans, puis qu'en proferant ces mots iusques au dernier Midebar elle estoit gemissante, douloureuse & lamentablement fouspirante: mais commençant à dire Nesath iusques à la fin, c'estoit auec vn accent ioyeux, clair & esiouyssant, comme yn yo des prix gaignez aux jeux Olympiques. Én ordre le mot suivant de la Prophetie Diverses fins, monstre bien clairement la fin de ceste Isle nageante qui se diuisa en deux parties, comme vous-mesmes auez peu remarquer au riuage, lors qu'elle fit sa derniere course. Ce qui predit asseurément la prochaine desfaite de l'Empire des Turcs, & la victoire & triomphe de la verité Chrestienne: comme ceste terre separee de Cypre & qui se vient joindre à vostre Candie Messieurs les Clarissimes Venitiens, vous promet que Cypre retournera bien tost en vos mains: & par le reste de l'Isle qui se perdit dans la mer, est exprimé que la conqueste de Constantinople ne sera point, que premiement les fleurs jaunes, qui sont les Lys de France, & les troupes perses vne grande armee nauale, l'Aigle qui est l'Empire des Chrestiens, & le Lyon qui remarque vostre inclite Seigneurie de Venise,ne soient vnis

en vne sacree vnion, pour aller guerroyer vnanimement le Turc, & rendre Constantinople vn desert à l'endroit de ces mescreans. Ce que lon verra arriuer de la forte sous la Royalle & heureuse puissance &coduicte d'vn Prince de France, qui sera aggé alors de vingt & vn an, comme est tresbien remarqué en la fin du quatrain en ceste façon, fruicts à vingt & vn cours. Mais en finissant mon discours, ie vous diray que les Turcs sont estrangement estonnez de ce prodige, voyant qu'il est arriué au iour que le soleil est sorti du signe celeste de l'archer, dont leur croissant est representé comme vn arc, & la Lune l'archere ou la chasseresse dont leur croissant a esté imité. Voila messieurs ce que ie vous puis dire à present touchant le faict d'vn euenement si merueilleux.Patron Sanson Arthaud ayant discouru sur vn subject si graue, on prit copie de son discours & du commencement de cest. histoire, telle que vous la voyez icy: & par vn petit vaisseau qui partoit à ce iour mesme pour le Ponant, il fut mandé à marseille au docte aduocat Rondellet, grad explorateur des loix, & tres-sçauat rechercheur de quinte-essence & de la pierre philosophale.

FIN.

e November 1 - Carrier and Arthur Street The second secon er in the first of The State of the S with the design of the state of the particles are a stylen and the stylen are Contract of the contract of the contract manting of the state of the state of e de la companya della companya della companya de la companya della companya dell and the second of the second o







